

তারিখ ... 06 MAY 1987 ...  
 পৃষ্ঠা... ৪... ২...

২২ মে বৈশাখ ১৩৭৪



## উপজেলা পরিক্রমা

### শ্রীপুর

গাজীপুর, ৫ মে (সংবাদদাতা)।— গাজীপুর জেলার উত্তর প্রাঙ্গে ১শ ৯১টি থানা ও ৯টি ইউনিয়ন নিয়ে শ্রীপুর উপজেলা গঠিত। এ উপজেলার আয়তন ১৭৮.১৯ বর্গমাইল। এ উপজেলার মোট জনসংখ্যার ১২১৮২ জন পুরুষ ও ১১৭১৫৬ জন মহিলা। লোক সংখ্যার বৃদ্ধির হার ২.৯২%।

#### শিক্ষা

শ্রীপুর উপজেলায় ১০২টি সরকারী, ২৭টি বেসরকারী প্রাথমিক বিদ্যালয়, ২২টি উচ্চ বালক ও ৩টি উচ্চ বালিকা বিদ্যালয়, ৫টি জুনিয়র বালক ও ৩টি জুনিয়র বালিকা বিদ্যালয়, ৪টি সিনিয়র ও ৫টি জুনিয়র মাদ্রাসা ও ১টি বেসরকারী কলেজ রয়েছে। এ উপজেলায় মোট শিক্ষার হার ১৯%।

#### যোগাযোগ

শ্রীপুর উপজেলায় কাঁচা-পাকা মোট ৪শ ৩১ মাইল রাস্তা রয়েছে। এর মধ্যে ১৯ মাইল পাকা, ১১ মাইল আধাপাকা ও বাকি ৪০১ মাইল কাঁচা রাস্তা। এ উপজেলায় ৫টি রেল স্টেশন ও ১২টি বাস স্টেশন আছে। এ উপজেলার সাথে অন্য উপজেলার যোগাযোগ ব্যবস্থা মোটেই উন্নত নয়।

#### কৃষি

কৃষি অর্থনীতি নির্ভর এ উপজেলার মোট

জমির পরিমাণ ১১৪.০৪৩ একর। এর মধ্যে আবাদী জমির পরিমাণ ৭৮.৯৭৬ একর এবং অনাবাদী জমির পরিমাণ ৩৪.৭১ একর। আবাদী জমির মধ্যে ৬.৭৫৫ একর তিনফসলী, ৩৪.৮৮৬ একর দুইফসলী ও ৩৭.৩৩৫ একর একফসলী।

সেচ সুবিধা নিশ্চিত করার জন্য ২৭১টি পানওয়ার পাম্প, ২৩টি গভীর নলকূপ এবং ২৯টি অগভীর নলকূপ স্থাপন করা হয়েছে। প্রধান অর্থকরী ফসলের মধ্যে ধান, পাট, আখ, গম, সরিষা ও বিভিন্ন শাক-সব্জি উল্লেখযোগ্য।

#### চিকিৎসা

শ্রীপুর উপজেলায় ১টি স্বাস্থ্য কমপ্লেক্সসহ ৭টি স্বাস্থ্য উপকেন্দ্র রয়েছে।

#### শিল্প

শ্রীপুর উপজেলা শিল্পে মোটেই উন্নত নয়। এখানে ১২টি রাইস মিল, ৩৭টি আটা কল ও ৩২টি তেলের মিল রয়েছে।

#### ধর্ম

শ্রীপুর উপজেলায় মোট লোক সংখ্যার ২২৭৪০৩ জন মুসলমান, ১১২২৮ জন হিন্দু, ১৫২ জন খৃস্টান, ১০ জন বৌদ্ধ ও অন্যান্য ১৯১ জন। এ উপজেলায় ৪৩৬টি মসজিদ, ৫টি মন্দির ও ২টি গীর্জা রয়েছে।